

Sakspapir

Saksnr	Utvalg	Type	Dato
099/20	Formannskapet	PS	20.08.2020
	Kommunestyret	PS	

Saksbehandler	Arkiv	ArkivsakID
Bjørnar Fjellhaug	FE-026, TI-&10	20/4476

Medlemskap i Nettverk fjord- og kystkommunar (NFKK)

Framlegg til vedtak:

Rådmannen tilrår medlemskap i Nettverk Fjord- og Kystkommunar (NFKK) frå 2021. Frametter vil aktiv forvaltning av sjø- og kystsonen til næringsføremål vere eit viktig potensiale for verdiskaping. Kommunen bør delta i arbeidet om riktige rammevilkår for området.

1. Kommunestyret vedtek at Austrheim kommune vert medlem i Nettverk Fjord- og Kystkommunar (NFKK) frå og med 2021.
2. Kommunestyret ber rådmannen kontinuerleg vurdere nytten av medlemskapet.
3. Årleg medlemskontingent på kr 30 000,- vert dekt inn i budsjett for næringsutvikling frå og med 2021.

Formannskapet - 099/20 - 20.08.2020

FS - behandling:

Ordførar Per Lerøy (Ap) sa at dette nettverket kan gje kommunen betre kunnskap om kva som skjer med til dømes auksjonsrundane for fiskeoppdrett, ved at ein får betre informasjon gjennom nettverket enn kva som kjem direkte til kommunen. Austrheim kan i tillegg vera med i lobby-arbeidet for å unngå at staten tar større og større deler av inntektene frå auksjonering av oppdrettskonsesjonar, slik det er tale om å gjera. Vil gjerne vera med frå årsskiftet, slik at ein ikkje brukar midlar i 2020.

Varaordførar Inger-Lise Brekke (H) sa at ein i utgangspunktet ikkje vil påføra kommunen auka utgifter, men her er det eit medlemsskap som kan vera viktig for å auka inntektene til kommunen.

Handsaming i formannskapet:

Samrøystes for rådmannens framlegg til vedtak.

FS vedtak:

Rådmannen tilrår medlemskap i Nettverk Fjord- og Kystkommunar (NFKK) frå 2021. Frametter vil aktiv forvaltning av sjø- og kystsonen til næringsføremål vere eit viktig potensiale for verdiskaping. Kommunen bør delta i arbeidet om riktige rammevilkår for området.

1. Kommunestyret vedtek at Austrheim kommune vert medlem i Nettverk Fjord- og

- Kystkommunar (NFKK) frå og med 2021.
2. Kommunestyret ber rådmannen kontinuerleg vurdere nytten av medlemskapet.
 3. Årleg medlemskontingent på kr 30 000,- vert dekt inn i budsjett for næringsutvikling frå og med 2021.

Saksopplysninger:

Bakgrunn

Austrheim kommune, ved ordførar, mottok 22.07. førespurnad om medlemskap i nettverket, Nettverk Fjord- og kystkommunar (NFKK). Brev frå NFKK er vedlagt saka og ordføraren har bede om ei sak vedk. medlemskap i nettverket.

Dette nettverket vart oppretta i 2009 og har no 66 medlemskommunar frå Nordkapp i nord, til Farsund i sør. I gamle Hordaland er det 10 medlemskommunar og i nye Vestland er det 15 kommunar som er med i nettverket. Føremålet med nettverket for fjord- og kystkommunar (NFKK) er særleg å taka i vare kystkommunane sine interesser i høve å sikra retten til lokal forvaltning av sjø- og kystsonen, og gjennom blant anna ulike former for lokal beskatnings- og avgiftsandel gje vertskommunar ein rimeleg del av verdiskapinga og/eller kompensasjon for ulempene som bruk av kommunane sine sjø-, land- og luftterritorium medfører.

Nettverket har sidan starten i 2009 arbeidd for at kommunane skal ha ei rimeleg inntekt basert på det beslag av areal oppdrettsnæringa har i dei kommunale sjøområda. I følgje nettsidene til nettverket har det gjeve resultat i form av opprettinga av Havbruksfondet som gir 70 % av inntektene frå kjøp av vekst til kommunane.

Rolla og motivasjonen som tilretteleggjar for aktivitetar i sjø, er drivkrafta bak nettverket og ein arbeidar for å styrka beredskapen og redusere forureiningsfaren langs kysten. Levande kystsamfunn, treng levande hav.

Nettverket arbeidar saman om å fortelje om beredskapen, farleider, arealplanar, hamner eller fisketurisme, om alle naturkvalitetane og opplevingsmoglegheitene som er.

For NFKK er havbruk- og sjømatnæringane svært viktige, og ein er oppteken av å spele på lag med næringane. Ein arbeidar for å skape lokale arbeidsplassar og nasjonal verdiskaping og bidra til ei sunn og klimavenleg matproduksjon.

NFKK ønskjer vekst i sjømatnæringane, men omsynet til berekraft må liggje i botn og vere førande for utviklinga. Ein arbeidar for at kommunar som er vertskap for oppdrettsaktivitet skal få ein andel av verdiskapinga utover midlar frå Havbruksfondet. I 2017 fekk kommunane for første gong noko att for å leggje til rett for oppdrettsaktivitet.

Arbeidet i nettverket er ikkje berre knytta til havbruk, men noko som også bind nettverket saman er blant anna lokal kystforvaltning gjennom planlegging og tilrettelegging, kystinfrastruktur og lokale arbeidsplassar i oppdrettsnæringa.

Ein ser at det å stå saman med andre i nettverket, vil gjere at ein kjem tettare på og kan påverke på viktige områder, også for Austrheim.

Økonomi:

Medlemskapet byggjer på ei medlemskontingent som er regulert i vedtektene §4. For kommunar med mellom 2001 og 5000 innbyggjarar, er medlemskontingenten for 2020 kr 30 000,-. Årlege endringar i medlemskontingenten vert justert med verknad frå 01. mai kvart år samanfallande med utviklinga i grunnbeløpet i folketrygda (G). Det kan difor verte ei lita justering i 2021.

Vedtektene regulerer styresamansetninga, samt årsmøte etc. <https://www.nfkk.no/vedtekter-for-nettverket-for-fjord-og-kystkommuner-nfkk/> Årssamling skal gjennomførast innan april kvart år, samt at styret er samansett av fem til sju ordførarar og varaordførarar vald blant medlemmane.

Dersom ein ynskjer å melde seg ut, må det skje innan 01. oktober i året før utmeldinga skal ha verknad.

Vurdering

Rådmannen vurderer at Austrheim kommune vil ha god nytte av å vere med i nettverk Fjord- og kystkommunar og ha høve å vere med å påverke rammevilkåra for sjømatnæringa og forvaltninga av sjø- og kystsonen. Pr i dag er kommunen på Robek og ein arbeidar sterkt for at vi skal koma i balanse med økonomien. Rådmannen rår difor til at ein ikkje inngår medlemskap før i 2021 og at ein gjennom budsjettprosessen denne hausten tek høgde for medlemskapet gjeldande frå 2021 med dei føresetnader det gjev.

Konklusjon

Rådmannen tilrår til at Austrheim kommune blir medlem i nettverket frå 2021. Austrheim har også behov for å taka i vare både ansvar og rettar knytta til det å vere kyst- og fjordkommune. Kostnaden vil vere kr 30 000,- pr år og vert lagt inn i budsjett for 2021 og frametter.

Framlegg til vedtak:

Rådmannen tilrår medlemskap i Nettverk Fjord- og Kystkommunar (NFKK) frå 2021. Frametter vil aktiv forvaltning av sjø- og kystsonen til næringsføremål vere eit viktig potensiale for verdiskaping. Kommunen bør delta i arbeidet om riktige rammevilkår for området.

1. Kommunestyret vedtek at Austrheim kommune vert medlem i Nettverk Fjord- og Kystkommunar (NFKK) frå og med 2021.
2. Kommunestyret ber rådmannen kontinuerleg vurdere nytten av medlemskapet.
3. Årleg medlemskontingent på kr 30 000,- vert dekt inn i budsjett for næringsutvikling frå og med 2021.